



IROMAG

Odlazni studenti



by IROUNMO

U OVOM BROJU

**STUDENSKI DOM
KURSEVI NA
MAŠINSKOM FAKULTETU**

**11. MEĐUNARODNI
NAUČNI SKUP**

**EDITA
MULAOSMANOVIĆ**

**V MEĐUNARODNA
KONFERENCIJA**

UNESCO je 17. novembra 1965. proglasio 8. septembar Međunarodnim danom pismenosti. Ovaj praznik prvi je put obilježen 1967. Njegov je cilj istaći važnost pismenosti za pojedince, zajednice i društva. Pismenost podrazumjeva poznavanje slova te umijeće čitanja i pisanja na bilo kom jeziku.

Najpismenija zemlja na svijetu je Kanada. Prema podacima OECD-a, 60% je stopa pismenosti u Kanadi, a više od 85% ima srednje obrazovanje. Prema izvještajima, Tajvan ima najpismenije žene, a slijedi ga Estonija. Afrička država Burkina Faso je zadnja na ljestvici pismenosti.

STUDENTSKI DOM - ANTALIJA

By IROUNMO

Na Univerzitetu "Džemal Bijedić" u Mostaru, 1. septembra svečano je otvoren studentski dom "Antaliya" koji je dobio simboličan naziv, kao znak zahvalnosti za nesebičnu pomoć i podršku turskog grada Antaliya kao glavnog financijera.

Studentski dom može primiti oko 180 studenata, napravljen je na pet spratova, ima 22 apartmana koji su kvalitetno i moderno opremljeni, te studentsku ambulantu, psihološko savjetovalište i zdravstvenu njegu koju će pružati Dom zdravlja Stari Grad.



Studentski dom Antaliya u sklopu Univerziteta "Džemal Bijedić" u Mostaru predstavlja jedan od najmodernijih studentskih domova u regiji, kreativno i inspirativno dizajniran, te ispunjen elegancijom i stilom.

Studentski dom Antaliya se prostire na pet spratova, koji sadrže 21 moderno osmišljen i uređen apartman.

Ceremoniji su prisustvovali predstavnici Univerziteta "Džemal Bijedić" u Mostaru, predstavnici društveno-političkog života Mostara, Hercegovacko - neretvanskog kantona i Bosne i Hercegovine, te predstavnici Metropolitanske općine Antaliya i Saveza općina turskog svijeta koji su imali veoma značajnu ulogu u procesu izgradnje Studentskog doma Antaliya.



KURSEVI NA MAŠINSKOM FAKULTETU

By IROUNMO

U amfiteatru Mašinskog fakulteta Univerziteta „Džemal Bijedić“ u Mostaru u subotu, 09. septembra upriličena je dodjela certifikata polaznicima koji su uspješno završili neki od ponuđenih kurseva na Mašinskom fakultetu u okviru projekta KALCEA i stručnog programa „Održiva energija i inovacije“.



Kursevi su osmišljeni i realizovani na moderan i zanimljiv način, te su polaznici pored teorijske nastave koju su pohađali posjetili hidroelektranu Salakovac i vjetropark Podveležje, te se upoznali sa hibridnim energetskim sistemom baziranim na obnovljivim izvorima energije na Mašinskom fakultetu, koji je upravo kroz projekat KALCEA u velikoj mjeri unaprijedio laboratorijske resurse i kapacitete koji će dati doprinos realizaciji kvalitetnije praktične nastave u narednom periodu.



Teorijska i praktična nastava u okviru realizovanih kurseva zasnivala se na izučavanju energetske tranzicije ka održivoj i zelenoj energiji, ali i povezivanju industrije, visokoškolskih ustanova i istraživačkih centara u oblasti obnovljivih izvora energije i niskokarbonske ekonomije.

11. MEĐUNARODNI NAUČNI SKUP „DANI PORODIČNOG PRAVA“

By IROUNMO

Pravni fakultet Univerziteta "Džemal Bijedić" u Mostaru uz podršku Njemačke fondacije za međunarodnu pravnu saradnju (IRZ) organizovao je 11. međunarodni naučni skup "Dani porodičnog prava" koji je održan 21. i 22.9.2023. godine u Hotelu "Mostar".

Cilj ovogodišnjeg naučnog Skupa bio je okupiti akademsku zajednicu, pravne praktičare i druge stručnjake u okviru sveobuhvatne, argumentovane i konstruktivne rasprave o najaktuelnijim pitanjima porodičnog prava na nacionalnom, evropskom i međunarodnom planu.



Na početku skupa prisutnima su se obratili dekanica Pravnog fakulteta prof. dr. Amra Jašarbegović, prorektorica za finansije Univerziteta "Džemal Bijedić" u Mostaru prof. dr. Armina Hubana, ministar Ministarstva obrazovanja nauke, kulture i sporta HNK prof. dr. Rašid Hadžović, pomoćnik ministricе za nauku i tehnologije Federalnog ministarstva obrazovanja i nauke mr. sc. Jasmin Branković i dr. Stefan Pürner, voditelj područja Jugoistočna Evropa I (Bosna i Hercegovina, Makedonija, Crna Gora i Srbija) u fondaciji IRZ, nakon čega je uslijedio i radni dio Skupa u kojem su učešće uzeli naučni radnici, nastavnici i saradnici sa univerziteta/sveučilišta iz Zagreba, Sarajeva, Istočnog Sarajeva, Zenice, Tuzle, Banja Luke i Mostara kao i pravni stručnjaci, sudije Općinskih i Kantonalnih sudova, notari, advokati, te predstavnici Centra za socijalni rad.

EDITA MULAOSMANOVIĆ

By IROUNMO

Voditeljica Univerzitetske biblioteke Univerziteta „Džemal Bijedić“ u Mostaru i književnica Edita Mulaosmanović u prethodnom vremenskom periodu aktivno je učestvovala na brojnim domaćim i međunarodnim književnim festivalima na kojim je ostvarila značajne rezultate.

Učestvovala je na Prvom međunarodnom festivalu u Mostaru “Žena sa knjigom”, na konkursu Čarobna Krajina sa pjesmom “Kad bih Una bila”, te na 9. međunarodnom festivalu “Pero Živodraga Živkovića” u Zenici gdje su među najboljih 20 izabrane dvije pjesme: “Susret” (posjeta Radimlji) i “Odlasci” autorice Edite Mulaosmanović.



Edita Mulaosmanović govori o značaju kulturnih manifestacija, o osvojenim nagradama i priznanjima, izvoru inspiracije za poeziju, ali i o vođenju i budućim perspektivama Univerzitetske biblioteke Univerziteta „Džemal Bijedić“ u Mostaru.

V MEĐUNARODNA KONFERENCIJA

By IROUNMO

Dana 14. i 15. septembra 2023. godine u Sarajevu je održana V Međunarodna konferencija - "30 godina od osnivanja Međunarodnog krivičnog suda za bivšu Jugoslaviju (MKSJ), naslijeđe i izazovi" u organizaciji Udruženja žrtava rata svjedoka genocida i Pokreta "Majke enklave Srebrenice i Žepe."

Učesnici konferencije su eminentna imena iz oblasti međunarodnog prava, ali i osobe koje su pred MKSJ prikupile i dokazale najteže međunarodne zločine koji su počinjeni u BiH, kao i studenti univerziteta iz regije.

Pravni fakultet na ovoj konferenciji predstavljali su studenti Armin Baljić i Vildana Kubat, zajedno sa asistentima v. ass. MA Aldinom Jelovcem i ass. MA Amnom Mustafić.



ZANIMLJIVI DATUMI U SEPTEMBRU

By IROUNMO

Svake godine 1. septembra, Svjetski dan pisanja pisama podstiče ljude širom svijeta da uzmu olovku, zgrabe komad papira i napišu pismo. To je također dan za učenje o umjetnosti pisanja pisama.

Međunarodni dan mira 21. septembra poziva čovječanstvo da ostavi po strani svoje razlike i posveti se stvaranju mira. Također poznat kao Dan mira, obilježavanje je osmišljeno tako da spoji svijet.

Međunarodni dan znakovnih jezika koji se obilježava 23. septembra prepoznaje važnost jezika putem znakova. Prema UN-u, rani pristup znakovnom jeziku je od vitalnog značaja za rast i razvoj gluvih osoba. Ovaj dan se održava tokom Međunarodne sedmice gluvih u posljednjoj sedmici septembra.

Svake godine, 25. septembra, Svjetski dan snova podstiče pojedince, porodice i zajednice širom svijeta da svoje snove ostvare. To je također dan za aktiviranje ideja i proglašenje novih mogućnosti.

Svjetski dan turizma, koji se obilježava 27. septembra, osvjetljava prednosti turizma. Osim što dodaje ekonomsku vrijednost zajednicama, turizam dodaje društvenu, političku i kulturnu vrijednost. U suštini, turizam pomaže svim zemljama da izgrade bolju budućnost.

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

